




PEDI



ROBOTO YA MODIMO

Leina le la “Roboto” le tswa lentšung la “robotaric” ka leleme la Setšheke (Czeck) le le bolelago seswantšho sa motho se se tsamaišwago ka metšhene.

Modimo ka bohlale bja gagwe le lerato la gagwe o ile a bona gore go nyakega dika tša go emiša batho (“Stop” signs) lefaseng. Le kwa serapeng sa Edene, mo Adama le Efa ba bego ba na

le tokologo ye e phethegilego go ja dienywa tšohle mo serapeng ba thabela kopano gammogo le molodi wa bona, Modimo o ile a tlamega go bea “Roboto”, seka se se rego “EMA” pele ga bona. Sehlare sa go tseba botse le bobbe e be e le SETOPO seo se bego se ba botša gore ba se ke ba ja dienywa tša sona gore ba se tlo hwa.

Ka morago, ge batho ba atile, Modimo a khumana e le tshwanelo gore a atiše dika tša go emiša ka go dira melao e mentši ye e laetšago ba-sepedi mo lefaseng dilong tše dingwe go tseba gore ba swanetše go sepela go fihla kae le gore ba eme kae. Melao yeo e be e sa fiwa batho fela, empa e filwe tlhago ka moka mo lefaseng le kwa legodimong. Modimo o beetše lewatle le legolo SETOPO, a beela meetse mollwane, a a thibela gore a se hlwele a khupetša lefase gape. Go na le dika tša DITOPPO baneng le go ba bagolo, go jeng le go nweng, go robaleng, thalokong le mošomong. Melao ya tlhago e re botša gore re gome mo, re se ke ra fetela pele. Go bjalo dilong tšohle tša bophelo bfono. Go na le ditaetšo tša go emiša tše di eletšago ba na nago le malapa le ba ba se nago le ona, mešomong ya kgwebo, dithalokong, difeketoring, bookelong, dikolong, bophelong bja masole le thutamahlaleng. Go nameleng ga dithaba le mawatleng, go tsamayeng ka difofane le mokoteng wa go epa gauta maleng a lefase re hlakana le dika tše dintši tša DITOPPO. Go nyatša ditšhupo tšeo go ka tliša kotsi e šiišago le tshenyagalo e kgolo.

Matšatšing a lehono a tšwelopele re tlwaelane le dika tša ditsela tše di rego "STOP". Go a makatša go bona ka mo baotledi ba difatanaga, kantle ga maarogi a se makae, ba hlokomelago DITOPPO tšeo di thušago. Ka go fofa melao yeo motho a ka hlola kotsi e šoro me a ka lefišwa tefo e kgolo. Ge e le gore setimela, sekepe goba sefofane se sa hlokomele dika tše di se emišago, maphelo a batho ba makgolo-kgolo a ka lahlega.

Dibomo tša "Atom" le tše dingwe tše di di fetago ka bošoro di sa bušwa ke melao ye e beilwego mehleng yeno. Ge molao o mongwe o ka fofiwa ka go se hlokomele goba ka phošo, bontši bja batho ba lefase ka moka ba ka bolawa ka nako e tee.

Seka se segolo-golo sa go emiša batho gore ba bolokege, ba boelanywe le Modimo ba phološwe, se beilwe Gologotha mengwaga ye e ka bago kgaufsi le dikete tše pedi tše di fetilego. Ke ge madi a bohlokwa a Yesu Krete, morwa wa Modimo, a tšholla sefapanong se se šoro ka baka la rena. Ke ROBOTO ye e thušago, ye e nago le maatla a go feta diroboto tšohle tše di beilwego lefaseng go emisa batho tseleng ya bona ye e išago tahlegong. Ka moka ga rena re sentše, re tšwile tseleng ya Modimo re lebile lehung le le sa felego. Go tlogela ge Adama le Efa ba ile ba nyatša seka sa mathomo serapeng sa Edene ba forilwe ke Sathane, batho ba tšere ka tsela ye e phatlaletšego ye e išago lehung. Modimo o ile a ba a leka go ba thibela kitimelong yeo ya bona lehung ka go bea dika tše dingwe tše dintši tša go ba emiša ka batho ba gagwe ba se bakae ba ba tshepegago, empa ga di a tšea nako di sešo tša fofiwa tša wišwa, tša gatwa ka maoto.

Eitše ge morongwa wa lehu a phatša naga ya Egipita a bolaya maitšibulo a batho le a dipho-

folo, Modimo a laya batho ba gagwe ba ba kgethilwego, balseraele, gore ba bee seka sa go emiša morongwa yoo. Mong wa lapa le lengwe le le lengwe o be a swanetše go bolaya kwana ye e hlokago bosodi a tlotše madi a yona dikoseneng tša lebati la ngwako wa gagwe. Seo e be e le seka go mmolai gore a se ke a bolaya maitšibulo a lapa leo. Go be go se na lapa le le hlokago mohu ka bošego bjoo bja kahlolo, kantle ga mo go nago le seka sa madi a kwana se se thibelago morongwa wa lehu go tsena. Kwana e ile ya neela madi a yona bakeng sa leitšibulo, bjalo ka ge Yesu, kwana ya Modimo, a neetšego bophelo bja gagwe bakeng sa rena ka go tšholla madi a gagwe.

Ge lešaba la baIseraele le dikaneditše maboto a magolo a motse wa Jeriko, Rahaba mosadi wa seotswa o ile a laelwa go bofelela seka sa thapo ye e khwibidu lešobeng la ntlo ya gagwe ye e bego e agilwe godimo ga morako wa motse. Rahaba a dumela Modimo, me Modimo a mmalela tumelo yeo a re ke yona toko. O ile a dira ka tumelo ya gagwe go Modimo wa Iseraele a bofelela thapo e khwibidu lešobeng. Ge merako ya Jeriko e šiki-nyega, e akga-akga e wela fase, maatla a a šomago a emišwa ntlong ya Rahaba me yena le ba lapa la gagwe ba phološwa.

Seka se segolo sa go emiša batho, sefapano sa Gologotha, se sa re eletša ka taolo ya Modimo, se re "EMA":

EMA o tlogele go thatafatša pelo ya gago ka go se dumele. O ineele go Modimo.

EMA o tlogele go nwa, go rogana, go goboša leina la Modimo, maaka le dipolelo tša ditšhila.

EMA o tlogele boikgogomošo bjo bo etelago go wa pele.

EMA o tlogele bootswa, sebe sa baSodoma (ge banna ba robala le banna) goba go senya ga mebele ya rena ka ditsela tše dingwe. Mmele o swanetše go ba tempele ya Modimo yo a phelago.

EMA o tlogele disikarete le patše, go hlakuna motšoko goba go o bea nkong, go šomiša ga dihlare tše di senyago mmele wo o lego tempele ya Modimo.

EMA o tlogele bojato, o phelela go ja, bakeng sa go jela go phela.

EMA o tlogele go se kgathale Modimo le mmušo wa gagwe. Tlogela bobodu bja moya. O se ke wa diega go sokologa. Mohlomo-nywe o ka se ke wa bona letšatši le lengwe le o kago sokologa ka lona. Go feta seka sa go go emiša go ka go iša lehung le le sa felego ka gobane Lentšu la Morena le re: "Lehono ge le e-kwa Lentšu la gagwe le se ke la retela dipelo."

EMA o tlogele go ya diduping, go tšhepa baloi, go phasa bahu sebakeng sa go rapela

- Modimo yo a phelago. Tlogela go rapela medimo ya diswantšho ye e lego mešomo ya diatla tša gago. Go rapela medimo e šele le boloi ke mediro ya nama ye e ahlotšwego ke Modimo.
- EMA o tlogele go duma-duma le go ngongorega le go raloka ka tšhelete (Motšhaina), o leboge Modimo.
- EMA o tlogele go lefetša bobbe ka bobbe le go seba, o bolele ba bangwe ka mo o ratago gore ba go bolele ka gona.
- EMA o tlogele go šetša lehufa le le tukago boka mollo, le le kago go iša polaong.
- EMA o tlogele bogale le kgalefo. E tloše pelong ya gago gammogo le moya wa tefetšo. Kgopela Modimo go go nea moya wa khutšo le lerato.
- EMA o tlogele megabaru ye e lego modu wa bobbe ka moka. E se buše pelo ya gago. Ba bantši ba arogile tumelong ka baka la go duma tšhelete ba itlišetša manyami. Gopola Judase le go wa ga gagwe.
- EMA o tlogele boithatelo le moya wa go kga-nyoga wo o sa horego.
- EMA o tlogele boikaketši, e lego sebe se Yesu a se hloilego go feta dibe tše dingwe. Ke go itira bjalo ka e ke o lokile empa o sa loka.
- EMA o tlogele go bolela maaka, gobane Sathane yena mong ke tata go ba maaka.
- EMA sefapanong, Robotong ya Modimo, o sokologe o ipolele dibe tša gago go Modimo le go batho bao o ba phošeditšego. Ge re ipolela dibe tša rena, gona ka ge Yena e le wa potego le toko o re lebalela dibe. Madi a Yesu Krete, morwa wa Modimo, a re hlatswa bokgopo ka moka.
- EMA ka tlase ga sefapano o bone phološo ye Morena a go diretšego yona. Yena ka nnoši o tšere dibe tša gago o rwele malwetši a gago. O hlabilwe ka baka la dikarogo tša gago. O ipelešitše mahloko le mahlomola a gago. O fodišwa ka dinto tša gagwe. Yena, yo a sa kago a tseba sebe, o dirilwe sebe ka baka la gago gore madi a gagwe a go hlatswe dibeng tšohle o be wa tokafatšo ya Modimo ka Yena.
- EMA o tlogele go eletšana le nama le madi ka morago a ge Modimo a boletše le wena a go tsebatša thato ya gagwe.
- EMA o tlogele go direla marena a mabedi. Ga di kgonege. O ka se kgone go direla Modimo le mamona.
- EMA o lebelele go yena kwana ya Modimo e a rwelego dibe tša lefase, dibe tša gago le dibe tša ka.
- EMA o tlogele go se dumele, go se tshepe Modimo. E-ba le tumelo go Modimo.
- EMA o tlogele go itebelela goba go lebelela morago. Gopola mogatš'a Loto.
- EMA o tlogele go gopola bobbe, o iše megopolo ya gago go tše e lego therešo, tše e lego bokwala le tše e lego toko.
- EMA o tlogele go lebelela tše di go belaetšago, o lebelele go Yesu.
- EMA o tlogele go boifa se goba sela bakeng sa go tshepa Modimo. Yesu o itše: O se ke wa boifa, dumela fela.
- EMA o bapolwe le Krete, o hwe ka thoko ya sebe le ka thoko ya lefase.
- EMA o tsoge le Krete o be le kabelo bophelong bja gagwe bjo bofsa bja legodimong.
- EMA o bogele lerato la Modimo e a neilego ngwana wa gagwe e a tswetšwego a nnoši, gore mang le mang e a mo dumetšego a se ke a lahlega eupša a be le bophelo bjo bo sa felego.
- EMA o bone phološo ya Morena.
- EMA o lwantšhe Sathane ka leina la Yesu me o tlo go tšhaba.

Seka sa sefapano ga se emiše rena fela gore re bone phološo e kgolo ya Modimo le neo ya gagwe ya bophelo bjo bo sa felego ka Yesu Krete, empa le yena Modimo se a mo emiša ge a bona modiradibe e a sokologago. Rena basenyi re be re swanetšwe ke kahlolo ya Modimo le go lahlelwa dihelong tše di sa felego. Empa ge Modimo a bona modiradibe e a sokologago, e a ikahlolago sefapanong, o a ema a mmontšha kwana ya Modimo ye e rwelego dibe tša lefase, ye e tswarelago dibe tšohle, ye e fodišago malwetši ohle. Sebakeng sa go rogiwa ke molao re hwetša kgaugelo, lerato le khutšo. Ka sefapano, Modimo o re bona re phološitšwe, re hlatswitšwe ka madi a morwa wa gagwe Yesu Krete. Sefapano se EMIŠA bogale bja Modimo bjo bo bego bo swanetše go re wela. Bogale bja Modimo bo wetše yena Yesu kwa sefapanong. Yesu o ile a rapela a re: "Tata! Ba le-balele gobane ga ba tsebe se ba se dirago."

Sefapano ke seka se maatla se se thibelago Sathane le meoya ya lefsifi ye e lekago go re fetša le go re gogela dihelong. Sefapano ke bohlatse bja phološo ya rena. Se laela Sathane mmegi se re a tlogele go re bega ka gobane Yesu o re lefetše dibe tša rena sefapanong, a re phološa ka madi a gagwe, a ba a se sa hlwela a gopola dibe tša rena tše re ipoletšego tšona go yena.

“SEPELA”

Sefapano ga se seka sa go emiša fela, se re laela le gore re SEPELE. Se re šupa lebone le letala gore tsela e bulegile. Re na le tumelelo ya go tsena setulong sa bogoši sa mogau ka madi a Yesu Krete. Ka Yesu Krete le ka Moya o Mokgethwa re lo-

kologile go tse na lapeng la Tate, Tata wešo yo re dirilwego barwa le barwedi ba gagwe ka tumelo. Sešireletšo se kgeigile go tloga godimo go fihla fase, gore mang le mang e a ratago a ka tla. Yesu o itse: Ke nna tsela, ke nna mojakole.

SEPELA wena modiradibe ka tsela ye e tshesane ya mojakole wo o bulegilego ye e išago legodimong.

SEPELA ka tsela ye e bulegilego ye e faditšwego go ka madi a Yesu o sa le mo lefaseng go fihlela o tse na ka 'kgoro tša Jerusalema o mofsa mo Yesu a go lokišeditšego madulo. O ikemišeditše go go phomola dikeledi mahlong a gago.

SEPELA o yo botša batho ba geno ka ga phološo ye e makatšago, botša baagišani le wena, bagwera ba gago le manaba a gago gore Yesu o a phološa.

SEPELANG le ye lefaseng lohle le bolele Ebangedi go dibopiwa ka moka.

SEPELANG ka pela le ye mekgotheng le ditseleng, le tliše bahloki, dihlotša le difofu.

SEPELA o tšwele mekgotheng le mapatlelong a motse, o ba kgopele gore ba tle ba tsene, gore ntlo ya ka e tlale.

SEPELA O SE HLWELE O DIRA SEBE.

J.R. Gschwend.

TORO YA JOHN WESLEY

John Wesley, monna yo mogolo wa Modimo, yo a sa kago a tšhaba go sola sebe, o ile a ba le toro bošego bjo bongwe. Torong ya gagwe o ipone a le kgorong ya legodimo 'me a botšiša a re: "Ba-Wesele ba gona legodimong na?" Monna yo a dutšego kgorong a fetola a re: "Aowa, ga go na Ba-Wesele gona mo." John Wesley a tšhoga, a makala gagolo. Ka gobane o be a sotše sebe ruri, a rutiša se Bibe e se bolelago, ka fao ga a ka tseba gore molato ke eng. A gopola leina la phuthego enngwe me a nyaka go tseba ge ditho tša kereke yela di ka ba gona legodimong. Molebeledi wa kgoro a fetola a re: "Aowa, ga ba go." John Wesley a napa a bolela maina a dikereke ka moka tše a di tsebago, ka e tee ka e tee. Monna kgorong a fetola ka nako enngwe le enngwe a re: "Aowa, ga go na ditho tša kereke ye fa." John Wesley a thoma go belaela. Bjale, torong ya gagwe a ipona a le kgorong ya dihele. Le gona fao a botšiša a re: "A Ba-Wesele ba bangwe ba ka ba gona mo?" Molebeledi wa kgoro a fetola a re:

"E, ba gona, ke babantši." John Wesley a botšiša ka ga dikereke tše dingwe 'me a botšwa gore ditho tše dingwe tša dikereke ka moka di le diheleng. Bjale a belaela ka matla. O be a sa kgone go kwišiša gore molato ke eng. Toro ya gagwe ya tšwela pele 'me a ipona gape a le kgorong ya legodimo. A botšiša a re: "Ka ge le mpotša gore ga go na Ba-Wesele le ge e le ditho tša dikereke tše dingwe mo, ba ba lego gona legodimong ke bo-mang na?" Phetolo ye e tšilego go yena ya re: "Ke bao fela ba ba hlatswitšwego ka madi a bohlokwa a Morena Jesu Krete."

Ke gona mogweraka, o bona gore tsela ya go ya legodimong ke ka go sokologa, ka go ipolela dibe tša rena go Morena Jesu Krete le ka go hlatswiwa ka madi a gagwe a bohlokwa. Yena o re fa maatla a go ba bana ba Modimo, re kgone go amogelwa ke Modimo. Ge re tšwela pele le go phela bophelo bjo bo hlwekilego, bjo bo kgethwa, le-tšatši le lengwe re tlo mmona ka mahlo.

The popular "Heart Book" with its soul-saving message is obtainable in over 500 languages. Many have found salvation even just by looking at the pictures.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

INFO: angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)